



# Háteigur



17. árgangur 9. tbl.

VIRÐING – SAMVINNA – VELLÍÐAN

29. nóvember 2013

*Hangikjötsboð 4., 5. og 6. desember*

<http://hateigsskoli.is>

## Frá skólustjóra

Ágætu lesendur

Aðventan er handan við hornið og myrkrið heldur utan um okkur eins og mjúkur feldur, en við kveikjum ljós í gluggum og leyfum lifandi ljósum að ylja líkama og sál. Þannig höllum við okkur að jólnum þegar himintunglin skipta um gang og við fögnum jákvæðum boðskap og gleðjumst yfir sigri ljóssins. Myrkrið getur verið eins og mjúkur og hlýr feldur en á sama tíma er það hættulegt. Við í skólanum höfum orðið vör við að einungis örfá börn bera endurskinsmerki. Skólustjóri var á leið út af skólalóðinni nýlega í lok vinnudags og þá komu nokkrir drengir á miðstigi á miklum hraða niður gangstéttina og það var einungis að þakka varkárni að ekki fór illa. Bæði var það að drengirnir gættu sín ekki að taka tillit til útafaksturs af bílastæðinu og að vera með endurskinsmerki sem hefði hjálpað. Nýlega lenti drengur á unglingastigi í alvarlegu slysi á leið sinni heim úr skóla sem fór betur en á horfðist þegar það átti sér stað. Þessi dæmi eru alvarlegar áminningar til okkar um að brýna ætíð varkárni í umferðinni fyrir börnunum og tryggja að allir séu ávallt, bæði fullorðnir og börn, með endurskinsmerki. Endurskinsmerki getur skipt sköpum í myrkrinu. Það er víða hægt að fá endurskinsmerki og hvet ég alla til að fá sér að minnsta kosti eitt slíkt til að hafa á áberandi stað. Munið að slysin gera ekki boð á undan sér.

Í þessari viku var lokið við yfirferð á árlegri könnun okkar á líðan nemenda í Háteigsskóla og verða niðurstöður birtar á heimasíðu skólans eins og venja er. Um leið og við könnum almenna líðan er markmið hennar að finna dæmi um gerendur og þolendur í einelti. Könnunin sem hér er greint frá er fyrir 5. til 10. bekk. 81% nemenda líður vel eða mjög vel í skólanum og er það eins og það hefur verið síðan 2004 en þá fór almenn vellíðan úr 70% í 80%. 18% segja að sér líði hvorki vel né illa og er nokkuð í samræmi við niðurstöður undanfarinna ára. 2% nemenda segja að sér líði illa eða mjög illa en undanfarin þrjú ár hefur þetta verið 3 til 4% en 2009 var þetta 1%. Nú segja 4% nemenda að þeir séu lagðir í einelti og hefur þetta hlutfall aldrei verið lægra síðan athuganir okkar hófust

1999. Þetta er í samræmi við tilfinningu okkar fyrir skólanum og líðan nemenda almennt því að mun færri mál koma til kasta skólustjórna en undanfarin ár. Málin hafa þó hvorki verið mörg eða íþyngjandi. Einnig vitum við að úrvinnsla eineltismála hefur skilað árangri og mun færri mál eru nú til vinnslu en undanfarin ár. Nú segja 88% nemenda að þeir viti ekki um neina sem eru teknir fyrir en sú tilfinning nemenda hefur aldrei mælst jafn hátt og sama gildir um tilfinningu fyrir þeim sem ekki taka aðrar fyrir sem er 87%. Hvorutveggja hefur aldrei mælst hærra frá upphafi. Við getum verið sátt við árangurinn af störfum okkar því að ljóst er að bæði úrvinnsla eineltismála og jákvæð félagsleg meðvitund og hegðun er að skila sér í þessum niðurstöðum. Hin góða samvinna okkar við foreldra um þau mál sem upp koma skiptir einnig sköpum í þessari stöðu. Við finnum stuðning heimilanna við jákvæðan skólabrag og trausti á störfum okkar. Kærar þakkir fyrir það.

Ég hvet alla til að njóta þess tíma sem í hönd fer, en að gæta sín á myrkrinu.

Ásgeir Beinteinsson,  
skólustjóri Háteigsskóla


## Boð í hangikjöt

Að venju býður Háteigsskóli og foreldrafélag skólans foreldrum nemenda í hangikjöt nú í desember. Boðið er óháð því hvort nemendur séu í mataráskrift. Tímasetningar eru sem hér segir:

Miðvikudagur 4. desember kl. 11:30: 3. og 4. bekkur.  
Miðvikudagur 4. desember kl. 12:10: 1. og 2. bekkur.  
Fimmtudagur 5. desember kl. 11:30: 6. bekkur.  
Fimmtudagur 5. desember kl. 12:10: 5. og 7. bekkur.  
Föstudagur 6. desember kl. 12:00: 8. - 10. bekkur.

Eins og í fyrra styrkir foreldrafélag skólans verkefnið og eru þeim færðar bestu þakkir fyrir það. Einnig munu foreldrar aðstoða okkur við matinn.

Með jólakveðju,  
frá starfsfólki Háteigsskóla.



## SPICE viðurkenning

Háteigsskóli, ásamt stofnunum í Reykjavík og í Asturias-héraði á Spáni, tók þátt í Comenius Regio verkefni frá 2010 til 2011. Yfirskrift verkefnisins var SPICE, sem annars vegar stendur fyrir upphafsstafi landanna og hins vegar fyrir Student – Parents – Interculturality – Community – Education, en verkefnið var um fjölmenningu og móttöku innflytjenda.

Á uppskeruhátíð evrópskra samstarfsáætlana, sem haldin var föstudaginn 22. nóvember, fékk þetta verkefni viðurkenningu og var útnefnt sem eitt af fyrirmyndar-verkefnum samstarfsáætlana.

Markmiðið með SPICE verkefninu var að auka fjölmenningarfærni í skólasamfélaginu og öðrum stofnunum, meta stöðu nemenda með íslensku sem annað tungumál í lestri og stærðfræði á móðurmáli þeirra. Einnig að koma að símenntun kennara á fjölmargan hátt og auðvelda öllum sem tilheyra íslensku samfélagi aðgang að því.

Íslensku samstarfsaðilarnir unnu mörg hagnýt verkefni, eins og menningarmót sem orðið er fastur þáttur í starfsemi Háteigsskóla, verkefni sem tengist tungumálánámi og tungumálakennslu, myndbönd nemenda, námskeið fyrir kennara í PALS lestri og heimanámsaðstoðin Heilahristingur sem er samstarfsverkefni Borgarbókasafns, Rauða krossins og Háteigsskóla.

Fulltrúi okkar í verkefninu er Ragnheiður Valgerður Sigtryggsdóttir og við óskum henni ásamt öllum hinum hjartanlega til hamingju með þessa viðurkenningu. Heimasíða verkefnisins er: <http://comeniusregiospice.wordpress.com/>

## Minningargjöf

Nemendur sem útskrifuðust úr Æfingaskólanum vorið 1994 færðu í nóvember gamla skólanum sínum góðar gjafir, lestrarbækur í ensku og vegleg vísindarit. Bækurnar eru til minningar um Svandís Ólafsdóttur dönskukennara og Jacqueline Þ. Friðriksdóttur enskukennara. Bækurnar eru nú hluti af safnkosti skólans og sérmerktar sem minningargjafir um kennarana.

Svandís var kennari við Æfingaskóla Kennaraháskóla Íslands (nú Háteigsskóla) 1975 til 1977 og 1980 til 1996. Svandís gegndi einnig margvíslegum trúnaðarstörfum í þágu kennarastéttarinnar og sat m.a. í fjögur ár í stjórn Félags dönskukennara. Svandís fæddist 27. febrúar 1929 en hún lést 19. júlí síðastliðinn.

Jacky hóf störf við Æfinga- og tilraunaskóla Kennaraháskóla Íslands haustið 1972 (nú Háteigsskóla) og starfaði fram á vormisseri 2013 eða samfellt í rúm 40 ár. Jacky var aðal enskukennari skólans allan starfsferil sinn og sinnti auk þess margvíslegum verkefnum í þágu enskunnar með námskeiðshaldi og námsbókaútgáfu. Jacky fæddist 23. september 1940 í London og lést 25. ágúst 2013.

Það er þakkarvert að nemendur sem útskrifuðust 1994 skyldu hugsa til þessara tveggja kennara skólans í tengslum við andlát þeirra og færa skólanum minningargjöf.

Skólinn færir árgangi 1994 innilegar og kærar þakkir fyrir gjöfina og býður þá velkomna í heimsókn á 20 ára útskriftarafmæli þeirra vorið 2014.

## Skrekkur

Um miðjan nóvember tóku okkar nemendur þátt í undankeppni Skrekks sem var haldin í Borgarleikhúsinu.

Atriðið sem nemendur höfðu samið var blanda úr söng, fiðlu- og píanóleik, dansi og upplestri. Það var undurfallegt og snerti áhorfendur mjög. Þrátt fyrir að atriðið hafi ekki verið valið áfram í úrslitakeppnina, erum við afskaplega stolt af Skrekkshópnum okkar sem var sérlega góður fulltrúi skólans, bæði á sviði og utan þess.

Dóru og Jónu Guðrúnu, sem æfðu hópinn, er þakkað innilega fyrir sitt framlag.

## Fræðslukvöld um tölvufíkn

Miðvikudaginn 6. nóvember var haldið fræðslukvöld á vegum foreldrafélags skólans. Fjallað var um tölvufíkn og hélt Eyjólfur Sigurðsson sálfræðingur fyrirlestur um tölvufíkn barna og unglunga, fyrirbyggjandi leiðir, einkenni og meðferð. Einnig lýsti móðir sinni reynslu í baráttu við tölvufíkn sonar. Mætingin var einstaklega góð, enda brennur þetta málefni á mörgum foreldrum.

## Spurningakeppni

Keppnin um titilinn Spurningameistari unglíngastígs Háteigsskóla hófst 20. nóvember með keppni tólf liða. Viku seinna kepptu svo þau sex lið sem komust áfram í milliriðil. Þau þrjú lið sem komust áfram ásamt stigahæsta tapliðinu munu keppa í undanúrslitum og úrslitum þann 11. desember þar sem Spurningameistarar unglíngastígs Háteigsskóla 2013-14 verða krýndir. Helgi Baldursson

## Ást

ég á móður mjög góða  
góða móður á ég  
ég elska hana með elsku  
ástarhjarta og er með líka  
hennar hjarta

hver er sá góður að lifa  
með mér og ástinni  
elskar mig og þig  
en líka þig

en ég elska alla ég elska  
hvernig elskið þið elskið  
þið mig þig þið getið  
elskað alla í heimi

Ingibjörg Ebba Magnúsdóttir, 6. bekk

## Kjarval og Gullmáfurinn

Í nóvember vorum við svo heppin að fá í hús farand-listsýningu á vegum Listasafns Reykjavíkur. Sýningin nefnist Kjarval og Gullmáfurinn og sýnir nokkur listaverk Kjarvals ásamt skissum frá honum á margskonar pappír – umslög, sígarettupakka og fleira. Sýningunni fylgdi lifandi leiðsögn og fengu nemendur frá 6 – 13 ára að njóta hennar. Nánari upplýsingar eru á heimasíðu Listasafns Reykjavíkur.

## Íþróttahátíðir

20. og 21. nóvember voru íþróttahátíðir hjá yngsta- og miðstigi undir stjórn Róberts og Valgerðar íþróttakennara. Hjá þeim yngri var búið að útbúa margs konar þrautir, en þeir eldri kepptu í brennibolta. Allt fór ákaflega vel fram.

☺ Spakmæli mánaðarins: ☹  
Stefndu að snilld, ekki að fullkomleika.